

LG RESCUE

لیفٹیننٹ گورنر منوج سنہا نے اک اعلیٰ سطحی میٹنگ کی صدارت کر کے لگا تار بارشاں تے اچانک آن آلا سیلاب گا نتیجہ مانہہ پیدا ہون آلی صورتحال سنگ نمڑن واسطے مرکزی زیر انتظام آلا علاقہ کی ایجنسیاں تے متعلقہ مرکزی ایجنسیاں جن مانہہ فوج فضائیہ قدرتی آفات نال نمڑن واسطے مرکزی ٹیم مسلح افواج کی طرفوں چلایا جارہیا راحت تے بچاؤ کاروٹیاں گو جائیزو لی وبے ایل جی موصوف نے اس دوران افسراں نانہہ ہدایت جاری کرتا واں کہیو جے وہ بجلی صحت دیکھ بھال گو نظام پین گو صاف پانی راشن تے ٹیلی فون کی خدمات نانہہ یقینی بناوے اُنہاں نے مزید ہدایت جاری کرتا واں کہیو جے قومی شاہراہ ور سڑکاں تے پلاں کی بحالی ناہ یقینی بنایو جے اُنہاں نے آو جائی واسطے سڑکاں تے اسپتالاں کی تیاریاں وروی زور پایو تانجے پانی توں پیدا ہون آلی بیماریاں گا مریضاں واسطے بہتر انتظام کیا جاسکیں جناب منوج سنہا نے بجلی گا محکمہ نانہہ ہدایت دتی جے قومی پانی بجلی کی کارپوریشن تے پاور گریڈ کارپوریشن آف انڈیا لمیٹڈ کی نال نزدیکی تال میل رکھیں تانج بجلی گا ٹانچہ کی جلد بحالی ممکن بنائی جاسکے۔

CM RELIEF AND RESTORATION

وزیر اعلیٰ عمر عبداللہ نے پچھلے تہاڑے کہیو جے لگاتار بارشاں تے تباہ کُن سیلابی صورتحال پیدا کر دتی بے حالانکہ پہلاں کی اس کی پیشن گوئی وی کی گئی تھی اُنہاں نے اس گل ور زور پاتا مانہہ کہیو جے اُن کی حکومت کی فوری تزجیحات مانہہ راحت بچاؤ تے بحالی گو کم کاج شامل بے تے اس ضمن مانہہ اُن گو مزید کہنو تھو جے اک مقرر حد رکھیں جے تانجے حکومت گا ردعمل مانہہ شفافیت ت جوابدہی نانہہ یقینی بنایو جاسکے جموں مانہہ سول سیکرٹریٹ مانہہ ایک اعلیٰ سطحی میٹنگ کی صدارت کرتا مانہہ اُنہاں نے جموں کشمیر مانہہ لگاتار بارشاں توں ہون آلا نقصان گو جائیزو لیو تے موجودہ موسمی صورتحال کی چلتیں حفاظتی تے فلاحی انتظامات ور تبادلہ خیال کیو بے وزیر اعلیٰ نے ہدایت جاری کرتا واں کہیو جے نقصان گو فوری تخمینو لایو جے تانجے مرکزی حکومت مالی توں مدد حاصل کرن کی کوشش کی جاسکے۔

CM EX GRATIA

وزیر اعلیٰ عمر عبداللہ نے کٹڑہ گے کولے اردھ کواری مانہہ پسی پین توں فوت ہون آلا گا کُنہہ نانہہ فی کُنہہ 6 لکھ روپیا نانہہ ایکس گریشیا گا طور ور دین گو اعلان کیو بے جس بچو 4 لکھ ریاستی ڈیزاسٹر ریلیف فنڈ جد کہ 2 لکھ روپیہ وزیر اعلیٰ ریلیف فنڈ توں دیتا جیں گا اس تیں علاوہ اُنہاں نے پورا جموں کشمیر مانہہ پچھلا کُجھ تہاڑاں مانہہ آیا سیلاب توں متاثرین واسطے ریاستی ڈیزاسٹر ریلیف تے سی ایم ریلیف فنڈ توں 2 لکھ روپیاں دین غو اعلان کرتا مانہہ دسیو جے شدید زخمی ہون آلا افراد نانہہ 1 لکھ جد کہ 25 توں 50 ہزار روپیہ اُن افراد نانہہ دیتا جے گا جنہاں نے اس دوران معمولی سٹ لگی بے جناب عمر عبداللہ نے متاثرہ ضلع گا ہر ڈپٹی کمشنراں نانہہ فوری طور ور 10 کروڑ روپیہ فراہم کرن کی ہدایت وی دتی ہے۔

SATISH POST FLOOD REVIEWS

ٹرانسپورٹ غا وزیر ستیش شرما نے پچھلے تہارے اک میٹنگ منعقد کرگے پورا جموں کشمیر مانہ سیلاب توں بعد گی صورتحال گو جائیزو لیو بے اس میٹنگ مانہ بکھ بکھ محکماں گا سنئیر افسراں نے شرکت کیجس گو مقصد ہون توڑی گی راحت تے بچاؤ کاروائیاں گو جائیزو لینو تے آن آلی کاروائیاں واسطے حکمت عملی تیار کرنو تھو میٹنگ گے دوران وزیر موصوف نے افسراں نانہ بدایت جاری کرتا مانہ کہیو جے وے سیلاب توں متاثر ہون آلا گی مشکلات نانہ کہٹ کرن واسطے تمام لوڑتا قدم چاوے اُنہاں نے افسراں ور زور پایو جے وے ہم آہنگی سنگ کم کرے ت بکھ بکھ محکماں بشکار قریبی تعاون قائم رکھیں تانجے متاثری لوکاں نانہ ایک موچر نظام فراہم کیو جاسکے۔

DC POST FLOOD ASSES

کٹھوعہ، سانہ، ادھمپور، رام بن، ڈوڈہ ضلعاں گا ڈپٹی کمشنراں نے لگا تار بارشاں توں پیدا ہون آلی تباہ گُن صورتحال گو جائیزو لیو بے اس ضمن ڈپٹی کمشنر کٹھوعہ راجیش شرما نے لکھن پور تے بھگوتی صنعتی اسٹیٹ گو تفصیلی دورو کیو تانجے راوی دریا مانہ رنجیت ساگر ڈیم توں پانی چھوڑن توں بعد بدھتا واں پانی گو جائیزو لیو جاسکے ڈپٹی کمشنر سانہ ایوشی سودن نے ضلع گا بارشاں توں متاثرہ علاقہ گو تفصیلی معائنو کیو تانجے نقصان گو اندازو تے امدادی کاروائیاں گی نگرانی کی جاسکے اُنہاں نے متاثرہ لوکاں تے انتظامیہ گی پوری حمایت گی یقین دہانی وی کرائی ڈپٹی کمشنر ادھمپور سلونی رائے نے ایس پی سندپ بھٹ گا ہمراہ قومی شاہراہ 44 گو معائنو کیو تانجے پچھلا گُجھ تہاڑاں توں ہون آلا بارشاں گی وجہ توں نقصان گو جائیزو لیو جاسکے ڈی سی رام بن محمد الیاس خان نے ایس ایس پی ارون گپتا تے قومی شاہراہ گا ایس ایس پی ٹریفک راجہ عادل احمد گے ہمراہ قومی شاہراہ 44 ور ناشری توں بانہال تک تفصیل معائنو کیو جت شدید بارشاں گی وجہ توں زمین کھسکن پتھر آن توں آؤ جائی مانہ دقت آرہی تھی ڈپٹی کمشنر دوڈہ برویندر سنگھ تے ایس ایس پی سندپ مہتا گے ہمراہ ڈوڈہ بھدرواہ تے قومی شاہراہ 44 ور جنگلوار ٹھاٹھری تے کھلینی نالہ گو معائنو کرگے نقصانات گو جائیزو لیو بے۔

LEAVES CANCELLED

جموں کشمیر حکومت نے اپنا ملازماں ور موجودہ حالات گی چلتیں چھوٹی لین ورروک لادتی بے اس ضمن مانہ جنرل انتظامیہ محکمہ یعنی جی اے ڈی گی طرفوں جاری حکم نامہ مانہ تمام انتظامیہ سیکرٹریاں تے محکماں گا سربراہ نانہ بدایت جاری کرتا مانہ کہیو گیو بے جے کسے وی طرح گی چھوٹی نانہ منظوری نانہ دتی جے۔

SCHOOL CLOSED

جموں کشمیر مانہ اج یعنی 28 اگست 2025 نانہ تمام سکول تے کالج موجودہ موسمی حالات نانہ دیکھتا مانہ بند رکھیا گیا ہیں یوہ فیصلو انتظامیہ گی طرفوں طالب علماں گی حفاظت نانہ یقینی بنان واسطہ چایا گیو بے اس بارے تعلیم گی وزیر سکینہ اتو تے سماجی میڈیا گی سائیٹ ایکس ور جانکاری دتی بے۔

وزیر اعظم نریندرمو دی مُلک تے بیرون مُلک رہ ریہا بھارتی شہریاں سنگ آئندہ 31 اگست نانہہ آکا
ش وانی ور من کی بات پروگرام مانہہ اپنا خیالات سانجہ کریں گا۔ یاہ ماہوار ریڈیو پروگرام غی
125 ویں قسط وے غی۔ لوگ اپنا خیالات تے تجویز ٹول فری نمبر 1800117800 ور ڈائل کر غے
روانہ کر سکیں۔ اس توں علا وہ نریندرمو دی ایپ یاہ فر ما ئی گوو اوپن فورم ور وی اپنا خیالات تے
تجویز روانہ کی جا سکیں۔ یہ تجویز اس مہینہ غی 29 تا ریخ توڑی ہی قابل قبول ویں گی۔
